



18. oktober 2022

UKA 2022/74

**Kalaallit Nunaanni sakkutuunngorusuttunik (sakkutuunngorniartussaataitanermit misilitsinnerit) katersisarneq ingerlanneqaqqittalernissaa siunertaralugu Naalakkersuisut Rigsmyndighed attaviginissaat pillugu Inatsisartut aalajangernissaannut siunnersuut**  
(Inatsisartunut Ilaasortaq, Anna Wangenheim, Demokraatit)

Anna Wangenheim, Demokraatit siunnersuutaa Siumumiik imaattumik oqaaseqarfigissuarput.

Illersornissaqarfimmi Issittumi Tunngaviusumik Ilinniarfimmik nunatsinni sakkutuunngorniarsinnaaneq qangali suliaasoq unitsinneqaraluartorlu maanna siornatigut pilersaarutaasutut 2024-mi Kangerlussuarmi ingerlaqqittussanngormat Siumumiik nuannaarutigaarput, tassami ilisimavarput kalaaleqateqaratta inuusuttunik ilinniakkamik taassuminnga soqutiginnittunik aammalu nunatsinni misilitsillutillu nunatsinni ilinniakkamik ingerlatsinissamik pingaartitsisunik.

Siumumi isumaqarpugut nunatsinni nakkutilliisut nunaqavissut ullumikkornit Arktis Kommandomi amerlanerusariaqaraluartut erseqqissaatigissavarpulli nakkutiginninneq sutigut tamatigut sakkutuunik ingerlanneqarnissaa pissasoq takorluunnginnatsigu, tassami siusinnerusukkut Siumumi Inatsisartuni siunnersuuteqarnikuuvugut upalungaarsimanermi innuttaasut sakkutuujungikkaluarlutik suleqataasinnaanerat anguniarlugu ilinniartitaanermik aallartitsisoqassasoq, taamaattumik manna periarfissaq iluatsillugu Siumumiik Naalakkersuisunut kaammattuutigissuarput siunertaq taanna piviusunngortinniarlugu suliamik ingerlatsisoqassasoq, tassani Islandimi upalungaarsimanikkut innuttaasut peqataatillugit ingerlatsineq pitsaalluinnartog siusinnerusukkullu siunnersuutaasimasoq isumassarsiorfigineqarsinnaasutut innersuuppagut.

Siumumi isumaqarpugut Illersornissaqarfimmi Issittumi Tunngaviusumik Ilinniarfissaq inuusuttunut annertuumik perorsaataasinnaasoq aammalu upalungaarsimanermi suliassanik suliaqarsinnaanermut tunngaviusumik ilinniagaqarfiussammat ingerlaqqinnissamullu aqqutissiuissusaalluni, taamaattumik nunatsinni misilitsittarnissaannik Naalakkersuisut aaliangiussaqaarsimanerat nuannaarutigalugu siunnersuummik itigartitsineq tusaatissatut tiguarput.

Doris J. Jensen, Siumut